



何大復先生集卷之九

五言古詩五十四首

水營墅治田圃種樹

樵隱安於山，農隱樂耕畔。由來事不同，各以性所玩。

倚扉憇南岡，一作園負杖行春岸。時澤冒原隰，遠水增

波瀾。方塘菰蒲映，迴渚鳧鷖亂。柳期息陰列，竹翼

成竿。緣坡引行條，依墉植頽幹。築堤屏芬穢，激流代

携灌。踈慵外經濟，卑賤鮮憂患。諒懷原生耻，庶悟孔

父嘆。汲古綴遺言，欣焉秉柔翰。

與賈郡專宿夜話

大復集卷九

世故相糾纏，人生劇如繫。予方值憂艱，子亦念淹滯。

邂逅胡不頻，茲歲忽將逝。蒼蒼季冬夕，悄悄昆蛩閉。

積雪委沙曲，迴風薄林際。繁星爛高寒，明月皓初霽。

聞雞起中夜，捫蝨談當世。蕭條時事危，寂寞古人計。

天地悲瘡痍，江湖愧經濟。懷哉式微詩，泫然出雙涕。

除夕述哀四首

世事相倚伏，日月更代謝。百年能幾時，一歲祇今夜。

逝者豈復迴，有生無不化。慘惻孤燈前，悲啼數行下。

二

別離今幾何，墓樹亦已青。徒褰素帷泣，奈此玄室局。

古城積陰雪虛牖臨寒星歲暮興慨念愁立空屏

三

去年值今夕庭闈奉顏色今年值今夕空奠几筵側
蒼苔翳幽隧翠栢開靈域顧望西山陰風雲為悽惻

四

憂人不能寐起踐中夜霜城笳絕仍響室燈慘不光
所親半重泉有姊各一鄉附書與鴻鵠歲晚路更長

贈別孟望之四首

束髮事交結白首以為期以茲女蘿質託彼青松枝
重聚故鄉園殷勤慰我私忽復遠行邁况值秋風時

大復集卷九

二 裴 體 二百九

我有一罇酒送君澗水涯酒酣思無極臨歧理桐絲
誰知清商苦一彈一生悲

二

迢迢望夏口肅肅戒僕夫金飈吹明星行李已屆途
親戚各相送萬里在斯須喈喈中林鳥日出相嗚呼
人生各有役安能長相娛

三

仲秋物色慘遊子生離顏朝辭義陽陌夕宿武勝關
遙望武昌路漢水何潺湲願為比翼鳥逸翮香難攀
願言終令德努力濟時艱同心苟不虧豈在離并間

公子事遠遊，離別無復云。丈夫萬里志，馬能戀故群。
我有千金劍，經天決浮雲。龍光久未試，始以持贈君。
願言終永，勿令埋塵氛。

遊西山二首

清晨命子駕，飄遙遠遊邁。願言歷嶇嶽，况此春華在。
林條紛可結，石秀行當采。道逢諧俗士，謂子爾何隘。
人命未可期，河清詎能待。縱羽思山林，潛鱗慕江海。
富貴人所欲，吾志不可改。

鬱鬱西山岑，遙遙山上阪。俯觀清澗流，仰覩白雲返。
處世亦何促，誰能遂仰偃。夷齊歸首陽，黃綺在商巖。
此道久不復，斯人苦難挽。振衣謝塵塗，吾駕日已遠。
元日言志

北杓建寅月，東谷發首旦。氣轉青陽曖，日暎丹霞爛。
群物欣向榮，萬象倏改觀。自予脫朝簪，及茲謝塵幹。
世事鑒倚伏，節候感迴換。岩耕慕長往，淵綸恣水玩。
俯羨潛波鱗，仰慙薄霄翰。欽此無悶言，忘彼高飛嘆。
勉懷日新志，庶以慰朝肝。

騰空布柔雲。蕩日溢繁吹。素雪千里來。飄揚九衢內。
積陰改玄節。新陽獻青歲。水辭寒卉寂。甘井並春華。媚
繽紛散廣陌。晶耀敞塵界。既隨游霰集。復與流飈會。
臨牖翫靡足。陟檻望逾邁。參差百蕩接。峯巒層臺對。
佳人御櫺軒。上客倚飛蓋。旖旎結華纓。離縱飄素帶。
郢中有希倡。陽阿豈恒態。君胡慕高卧。沉冥獨無類。
仲春雨霽出遊郊。麓覽物叙懷興。言自歌四首

二

大復集卷九

四 蔣應寅

崔魏南山郭。宛彼沙上道。荷篠赴脩垌。采萍涉流潦。
懷賢顧已後。適已每不早。緬茲山中人。含念鬱中抱。

三

幽人久見招。解薜俟中林。山行岩光暝。水息霞氣陰。
隨行委流止。寓物觀浮沈。達人貴忘我。奚用存知音。

四

舉目怡清和。周覽究昏晝。衆壑積庭階。攢峯羅戶牖。
攀林摘叢穎。越嶽采孤秀。日暮天際雲。忽與飄風道。

贈梁宗烈二首

珊瑚產南海。翡翠生炎洲。豐林多異幹。石璞皆良裘。

瑰材植遐域萬寶聚巖幽豈無千金賈亦有萬斛舟
此物匪為易惜哉不見收玉英匿龍淵黃金沈濁流
輝瑩久已闕未蒙知已求徒歸匠者愆用負和氏羞
謹子握中璧時哉母閭投

二

飄風頃刻至征雲萬里游與子非風雲欲邁良無由
川塗限山海音問邈中州升高望廣域極眺滄溟流
浮烟隱榛樹白日蔽岑丘飛鴻不我顧逝鵠不我留
寧無輕舟志浩渺安可求桂樹茂炎隲芝草翻靈洲
獨處慕朋侶攀贈誰為酌倘荷秉眷言慰此平生憂

大復集卷九

五 戴谷三

贈王文熙四首

以下京集

空堂夕燈明離思漫浩浩泠泠朱絲絃聽我別鶴操
出門難久留各言慎所好江湖迥且深鴻鴈幾時到

二

行子夜中起月沒星尚爛天明出城去暮薄長河岸
草際人獨歸烟中鳥初散解纜忽以遙川光夕凌亂

三

光風轉柳枝宛宛路之傍濛濛苑中花朝日耀其英
停車欲有贈攀條折春芳春芳亦消歇但使故意長

四

息馬中林樹烟靄何氛氲遲遲仲春日叢薄華且芬
上有單飛翼哀鳴振層雲冉冉征途客踟躕不忍聞
嗟哉彼何物日夜求其群

悼功甫悼亡二首

捐棄不待年幽魂渺仙嶠庭下孤鳴鸞懸鏡耻自照
帳冷凝素塵窓虛耿熠燿平生白頭吟空然發悲調

二

芙蓉望秋零幽蘭歇芳早不作雙頭花翻為斷腸草
戚戚懷所思悠悠感衷抱瞻茲白髮心窮年以相保

悼亡三首

大復集卷九

六 戴谷三

冬夜一何長展轉難及晨念彼重泉下杳杳隔千春
中閨月皎皎紈素委流塵馳光安可追往者無復陳
悽悽向隅泣無乃女子仁丈夫自有志忍哭虞傷神
沉思結中抱恨恨不能申

二

鳴雞報早朝出戶履晨霜仰視東方星三五不成行
念子當此時燈前理衣裳恍然失所在零淚空滂滂

三

皎皎機中絹拂拭明如雪裁為雙中衣羅帶紛綰結
親持向我前與我言結髮豈足佩下體聊以奉娛悅

執此百年心，嘆息一朝絕。人故物自留，欲視不忍發。
藏之篋笥中，餘香日以歇。

挽葉進士

矯矯松栢枝，在彼丘中阿。上盤青雲端，蒼翠鬱嵒峩。
惜哉千尺幹，嚴霜摧其柯。本為大廈用，不竟當如何。

贈李獻吉三首

西方有佳士，於世寡所諧。橫風整脩翰，倏忽超九達。
天門限重關，屢扣闥者辭。濟濟列仙子，冠裳競追隨。
青雲蔽閭闔，仰視何逶迤。皎日匿西陸，馳光難遽回。
世無魯陽子，坐惜朱顏衰。

大復集卷九

七 魏叔夏曰

二

東風吹我衣，白日何杲杲。整駕出郭門，脩塗浩橫漭。
登山采幽蘭，日暮不盈抱。采之欲何為，遺我平生好。
豈無艷陽花，言子好香草。丈夫有本性，安得不自保。
寸心苟弗移，可以鑒穹昊。

三

烈女守閨室，憂日懷寸陰。橫琴寫妙曲，繁商激陽林。
悠悠行路子，誰為識其音。人生處世間，貴在相知心。
所以采薇士，其餓西山岑。

答獻吉二首

鸞鸞雙鳳闕，朝朝飛雲間。我皇乘六龍，平明開九關。下有敢死士，批鱗犯其顏。白日運蒼昊，薄暮浮雲還。一朝啓光耀，忠誠良可宣。

二
吾君古堯舜，垂袞蓬萊宮。止輦受群善，小大必有容。緬懷燕鄒子，悲弭訴蒼穹。彼蒼亦何神，五月飛霜風。至誠變金石，何懼不感通。

遊魯山城南舍二首

倚彼方外客，逍遙城南墅。初夏苗始盛，荷笠事田圃。地僻寡鄰舍，彌旬絕車馬。紅葵生井上，青榆蔭堂下。前岡後有岑，原澤何臚臚。清風林下酌，狼藉列樽俎。翻思在朝市，役役徒勞苦。

大復集卷九

八閩阮生自卷九

二
溪行日亭午，暑氣稍見侵。脫巾坐芳草，前有嘉樹林。白雲澹清景，綠葉垂繁陰。喜無鳴蟬聒，幸有好鳥吟。又厭區中緣，撫茲意獨深。浩歌答良友，聊用開吾襟。
中秋十七夜留康德涵飲二首

飄風會浮雲，白曜奄西藏。羈人惜短晷，眷此秋夜長。長夜無與晤，所懷浩難忘。君子枉光駕，嫵婉情未央。披軒待流月，展轉錯華觴。臨觴慘不御，對景又徬徨。

鬱霧曖庭陰黯黯如降霜
流波委頽魄茲歲漸以更
消長互相謝盛滿安可常
勗哉君子心謙謙道彌光

二

客心悲夕陰相顧增煩憂
麾杯浩歌起欲去不可留
屏營獨撫膺仰觀熠燿流
倏馬四宇豁衆星爛以稠
游氣降大谷浮颿扇清秋
昊天舒華魄銜耀西南樓
朱門歎笙竽綺陌車馬休
嗟爾晨明月燭燭安所求

詠懷十首

北陸無淹晷歲邁陰已長
攝衣起中夜凜凜悲嚴霜
明月麗高隅繁宿縱以橫
徘徊仰天漢惋彼參與商

九

大復集卷九

易玄三百篇

形影乖隔萬里徒相望

二

烈炎灼崑岡乃辨金石堅
金石有恒性銷鑠誰能遷
薪樗莫傷桂刈蕭母及蘭
薰猶不同器清濁本殊源
君覩高翔翼卑棲非所安

三

英英園中槿朱榮媚朝陽
朝陽倏西噴朗月借其光
馳輝難久耀華隕不再揚
番番白馬郎皎皎青樓娼
容好豈足恃相要在衷腸

四

積薪以待燔，畜粟以御冬。為物貴及時，餘者安足庸。
金張藉地勢，衛霍承華封。馮生守窮巷，白首不見容。
賤者日迭遭，貴者日以崇。邈彼天上京，玉宮闈九重。
高高不可測，欲往將何從。

五

知鳥去，惡木蠹，蟻戀腐莖，復隍啓危滿。為山忌將成，
泛觀瀛海內，巨細各有情。括夫炳身後，昧者營其生。
千金買一壺，為豫當及早。江湖多風濤，舟楫不可保。

六

寂寂沅湘流，長江上有楓。青蔥緣廣隰，綠蘅被洲中。

大復集卷九

十一

易玄三日月

揚舲泝烟沚，遙瞻二妃宮。二妃何婉孌，蹇蹇振微風。
解珮遺下女，將以明我衷。光采不易合，精誠渺難通。
浮雲蔽江臯，白日忽已晚。還顧蒼梧原，何時翠華返。

七

飛鴻遵故渚，長鳴有餘哀。北地多悲風，霜雪日以催。
靈鳥集君舍，君反見疑猜。忠信苟不顯，殺身亦何為。
始知山梁雉，欲下仍徘徊。

八

長安有綺樓，文憲結朱趾。俯視千萬薨，遙臨十二衢。
樓中彈瑟女，容采耀城隅。豈無吉士誘，失身良為愚。

迴風入總帳，倏忽白日徂。玉顏易銷鑠，不久當何如。

九

白露晞朝日，苔榮委清秋。長風吹野草，飛藿不自謀。
猥彼衆多子，安知良士憂。覆水置平地，一散永不收。
龜錯憂漢室，翻為六國仇。禍機苟不測，談笑生戈矛。
留侯信人傑，逝從赤松遊。

十

白玉本自白，蒼蠅亂其真。讒言解膠漆，况匪平生親。
烈士死道傍，貪夫登要津。自古皆有然，茲恨何當申。
蓬丘眇煙霧，貝宮鬱嶙峋。列仙如可期，吾將躡清塵。

木復集卷九

十一 雜見三百六

東臯

詠 東臯村中有幽人宅，茅堂入空林。草徑無來客，
林中桂樹英。容采耀月夕，寒香有時匱。秋來望攀折。

贈適子四首

自予辭京邑，念子守南服。歲序阻歡觀，川塗積遐矚。
比驚方自茲，東轅偶相值。聯鑣始宋中，解纜及河曲。

二

同車越梁晉，覽歷多古疆。紆遲衛流汭，轉盼淇水陽。
感來意不淺，道故言已長。辛勤眷途語，愴惻悲別章。

三

戎馬暗中原嗟此遠行子遙遙赴城闕戚戚望桑梓
路阻難可通河清詎能俟倪仰君父間出處良在此

四

懼聚理無恒悲離情有傷况茲征途間詎能久相將
浮雲與歲暮素雪翳晨光揮手自茲別後期應毋忘

大復集卷九

十二

刻見加十七

何大復先生集卷之九

何大復先生集卷之十

五言古詩五十五首

贈望之四首

孀孀孤生楊迢迢河水泮平生骨肉親婉孌相諧悅
思心起歡燕何況當乖別浮萍寄清流聚散有歡懣
與子同枝葉胡為忍離闊匪根與株莫能相固結
德人重行義志士輕訣絕慎子萬里軀慰我長飢渴

二

良時不克俱悠悠子行邁行邁之何方乃在萬里外
汎舟涉江湘道遠阻湍瀨我心思桂林倚立增歎慨
河清豈無期柰此日月逝所願芳未歇及茲采荃蕙

大復集卷一

易註三百〇一

三

瓜生施於葛枝蔓自纏糾念我同胞人是子結髮友
少小鍾慈育各言常相守出門有羽翼忽爾離隔久
戚戚去兄弟思我父與母種瓜莫種棘種棘恐傷手
恩愛苟不虧離隔復何有

四

絕裾不為忍叱馭寧顧危念子奉明君結義良在茲
雖懷垂堂戒委質我所知白日豈不察浮雲蔽於斯
孤葵慕太陽傾心壘不移勿謂長棄捐終當有返期

施音吳

送王宗哲少卿

蕭蕭出郊干行行涉河甸子身被王命駟馬輝雲電
覽岳停華陰觀都指秦殿思子衛泉流渭澗一以緬
平生共肝膽何云異鄉縣况我離骨肉子也常眷戀
憶我連枝樹感子同洲鴈子行四方志努力思見面
出城贈韓子

晨車去遙遙將子城之隅城隅何所有有荷復有蒲
念當與子別思心立踟躕他人豈無友非子誰為娛
折荷勿涉水涉水濡子車安得瓊瑤華採掇為子需

過呂仲木宅同呂道夫馬君卿

木復集卷

二

身藏三百三

夏訪呂子居乃在北城陰門臨古牆渠上有高樹林
展席流南薰開軒睇北岑况諧同心友聽此和鳴禽
佳人出素帙高詞播名琛亮哉清廟瑟凄其白頭吟
一彈意不足三歎有餘音因之覽玄古寥寥傷我心

鳴蟬

菀菀庭中柳蟬鳴在高柯上有西飛燕下有東流河
美人堂上坐忘却門前道舉頭見鳴蟬低頭惜芳草

冬至

北杓指玄朔南景留嚴冬中衢返羲馭淑氣扇黃鐘
激陽懼不力固陰密且重至尊休時令端拱象欽

恭閉關邊行旅執王羅敷庸天乃群物祖日為衆陽
宗眇茲一線君邈彼九淵龍恭登自此肇復來豈無
從聖人謹元始君子履攸終

贈田子三首

蓬途眷行旅綢繆永茲夕之子邇大江方舟自此適
藹藹皇邑遊鳴鑣並京陌同袍四五人君為遠行客
婉嬾一室內安知形影隔人生重貞固豈必金與石
念彼膠漆友贈然感今昔

二

蒼蒼季冬夕積雪委中衢三星出東戶纖月揚西隅

大復集卷十

三
三
三

主人樂行觴衆賓且停車何況平生友夙昔共歡娛
慘惻高堂上為子重踟躕山川緬以邈岐路在滙更
出門慎自愛慰我恒相於

三

鳳鶯去南國徘徊翔紫庭毛羽紛葳蕤霜雪日以零
一鳴已曠世奮翅排清冥崔巍南山下脩竹何亭亭
文采忽遐遠佇立望爾形依依北堂隅儔侶念伶俜
相聚不須臾一散如晨星我欲從爾去但愧無脩翎

七夕劉子緯宅次君卿韻

良時屆今夕懽觀諧茲方流飈委芳卉清池激微涼

仰觀牛女星，熒熒河漢傍。纖月揚西隅，浮一作游雲起

中央，合離一以愴。明晦古難量，繫子塲下駒。慰我長思望。

斷絕詞

孔雀慕儔侶，回翔恐相失。羅雉為雄雌，反覆不成匹。白沙搏清水，誰能作膠漆。本非骨肉親，心志安得一牽纏。無已時，斷絕有終畢。

王岡黔國地種竹

王岡一精舍，五華東南首。崔嵬瞰城郭，曠緬開林阜。球琳美梁域，篠蕩卑揚舛。崢嶸將軍第，瀟灑文儒園。

大復集卷十

四科三百三

霜凝戟門寒，日上鈴閣晝。褰帷散琴書，緩帶接賓友。風林清夏簟，雲石靜秋牖。參差萬琅玕，照耀雙瓊玖。蓮城價自高，傾國貌俱醜。繆倚慚蕪葭，先凋謝蒲柳。上公勲不忘，君子名詎朽。蠻夷欽鎮靜，風俗化溫厚。比德亮無瑕，抱節誠可久。珪璋寡瑣珣，瑚璉重典守。至寶天所慳，珍產地非偶。閭閻神仙宅，瑤水蛟龍藪。安知王母觴，復為周王壽。獻從萬里餘，種已千年後。靈秀萃于茲，積累固所有。樂只邦家光，斯韻播人口。贈君采效何遜作四首

霜空鴈絕響，風庭葉罷飛。念爾別離日，凄然芳歲微。

城隅明星暫曉闌殘月輝不見携手好宵行誰與歸

二

平生寡所諧與子中邂逅讌語殊未厭絃柱促離奏
目斷川上雲念擡天邊岫河山邈以綿佇立阻權觀

三

居人日縛束行子逝飄飄山栖憐霧夕水泛悅霞朝
違俗勢靡合遺名跡自超愧隨衣冠侶振珮青雲霄

四

歲晏客來歸單馬一何亂新粧下機笑白髮倚門看
未俟春林敷且玩冬花燦閑居有微音倘付雲中翰

大復集卷十

五 卷五三〇七

酬贈王德微

北方有一士雲冠璫華簪抗身服高義奮翅翔天林
一鳴遠見斥棄置南海濤飛黃本冀產顧盼無千金
絕景邁流電豈與泥沙沉邂逅頃三接一言荷知深
投贈古錦篇宛聆哀王音大雅久寥寂斯文竟誰譔
皎皎空谷駒生芻勞我心

江禽行

樹穀江上田三年免飢餓富貴苟非道千駟抵一啄
匹夫不奪志曠士鮮無過蛾眉召讒妬西子蒙詬
鑠金懼衆口懷璧誠賈禍蛇龍蟠泥沙鯢運海水

子今還山中食穀且高卧

詠衣

淒淒締絡風，慘慘葛履霜。無衣嘆幽奏，同袍感秦章。
物微申有贈，德音亮難忘。新纈託故素，溫燠念寒涼。
體裁合情志，拂拭生輝光。雖云異黃裏，願言同紫裳。

古怨詩五章

隕葉辭舊枝，飄塵就岐路。遲徊決絕意，言念平生故。
泥泥行間泥，零零蔓草露。豈不畏沾污，為子無晨暮。

二

抗義一何明，結志誓不解。對面有背棄，何言萬里外。

大復集卷十

六 楊王二百七

陟疆朝采葑，陟吟暮采菲。所重在德音，容色安足恃。

三

白玉雖光輝，瑕疵在其內。徒看色笑親，詎識肝膽異。
勢奪恩愛移，交離讒毀至。棄捐豈我傷，卑薄乖情義。

四

寸心抱貞固，投一安有它。詎知所同懼，散聚倏朝霞。
昔為山上石，今為浪中沙。孰云無轉移，漂蕩令心嗟。

五

清晨臨御溝，御溝東西流。垂楊夾廣路，躑躅行紫騮。
揮鞭不顧返，斗酒誰能留。嗚呼中道情，覆水倘可收。

情詩

出門景將夕，入門露已灑。徘徊雙戶間，燦爛三星上。
王顏豔明魄，一別阻弦望。詎能輕訣絕，徒令重惆悵。

詠裘

羔裘故人物，持贈何殷勤。儉表素絲質，光迴錦繡文。
豹祛未稱羨，狐白安足云。意比綈袍戀，恩同續絮溫。

飲酒

平生多意氣，四海盛交遊。列筵亘長夜，談辯雄名流。
杯酒一言合，遽將肝膽投。入門顧兒女，怩但懷羞。
齒年逮今茲，世故多所由。興言念親戚，骨肉嬰我憂。

大復集卷一

七 李坤三百五

寒宵寡懽悵，濁酤聊自謀。明燈耀室內，盤蔬代庖羞。
豈必朋與賓，妻子前勸酬。語笑率真性，無嫌亦何尤。
人生貴止足，吾志卑公侯。數觴已復醉，頽然萬情休。
寄言馳騫子，從今任去留。

送劉御史按淮揚諸郡

臺臣今按地

聖祖舊開疆，白雲萬里來。千載還帝鄉，伊昔草昧
初，血戰塵茫茫。一馬渡天塹，六龍飛淮揚。堯階起三
尺，禹跡遺八荒。江海控形勢，邦家存紀綱。送哉百年
餘，世變墮其常。城社穴狐鼠，當途走豺狼。君埋都亭

輪再覩司隸章述職屬茲歲巡符代我王泛舟淮
泗急褰幕風日涼鷹隼在寥闊一擊乘秋霜

遊洪法寺塔園土山

塔園鬱森萃土山莽迴互迹陳慨往躡心賞諧秋晤
時惟夕氣交零木爽登顧裊裊拾層級盤盤折脩步
憑危眺倒景俯檻驚流霧空王湧廟衛貴者留擗基
三門上岌葉玉柱撐雲露白日寶光垂風晝金響度
徒興雍門哀未暇首丘慮珠藏北邙毀石罅南山錮
但馬傷逝心川汜激東驚

贈時亮

大復集卷十

八

李坤三百五十七

戴子有仙癖時荷金門遇辟穀遊人間嗜酒尚玄素
白日指五岳笑我不能去爾未生羽翼何時向烟霧

贈子言

張生神駿骨一蹶在衢路雖有萬里才未蒙千金顧
腰佩白玉環手擲金聲賦堂堂烈士身勿為名所誤

冬夜

膏火含朱光玉鐏泛清醴閒房密以靜雪流窻戶裏
良友不我適室阻悵伊邇異人非我儔聊酌娛妻子

十二月朔日 大駕觀牲

玄雲翳廣陌素靄零層城萬乘屯蘭甸六轡儼天行

輕颺轉芝蓋，重霄揚翠旌。馥馥劔珮合，鏘鏘龍鳳鳴。
攝人脫衡福，膳宰翼房楹。牛羊上廩貯，鹿豕大庖盈。
馨香流拒它，肥腍奏牲牲。宮闕回皇情，至歌肇茲達。大禮須時成。

簡君采

夕會星已羅，晝接景將落。見面不須臾，何以展契闊。
側耳金玉章，音響時間作。假寐晤清顏，傾光豈虛託。
狂驟悵雲轡，命席耻塵爵。徘徊翳雲日，佇立眺城郭。
駢居淹晨暮，庶俾私心豁。

送崔氏四首

大復集卷十

九

卷十

行車在門端，送賓集城隅。轅驥難久停，振策中路徬。
盤盤大行谷，往念高堂居。還顧望西山，層阜蔽皇
都。回飈赴迅響，飄雲奔長徂。昔予背鄉域，卷言返田
廬。驅車赴燕薊，茲歲淹七踰。何因附羽翼，翹首南翔
鳧。

二

疇昔衣冠士，同遊若雲爛。懽讌未及終，存亡在轉盼。
亡者長沉埋，存者各飄散。俯仰天地間，念之一惋嘆。
出門送我友，言返故鄉縣。登高望古疆，河衛浩以漫。
山川白日冥，匹鳥鳴相亂。愴惻懷征途，令我腸中斷。

三

結髮與君友，附驥思一。
伊予守屯蹇，學宦寡所成。
握瑜俟知己，知己誰為明。
良時展嫵婉，之子復遠行。
衝飈起閭闔，浮雲翳太清。
層城羅宮殿，躍馬振綏纓。
長嘯歌五噫，投策出漢京。
慨念古人士，去之一何輕。
終焉從子逝，富貴非我營。

四

飄飄山上葛，纍纍田中瓠。
苟非同根蒂，纏綿安得固。
人情易及復，結交有新故。
嗟哉夙昔好，乖棄在中路。
明珠倘無因，按劍不我顧。
深言匪由衷，白首為所誤。
亮君勗恒德，永副平生慕。

大復集卷十

十

三五言書

寄贈王子衡四章

昔錢邁伊始，今懷緬猶故。
城憇屢淹薄，舟遊一迴遡。
拜節指頽景，搖車首東路。
倉皇抗手別，邀絕賞心晤。

二

賞心曠景光，川汜渺徂征。
竄身窮海上，卧痾天邊城。
傾歌島岸拆，蹙沓波樓驚。
飄音承來訊，頗叙棲泊情。

三

棲泊倦淮堞，量移遂山郭。
沈迷謝簿領，褰開盡巖壑。
雲翔葉縣鳧，風啖華亭鶴。
杲諧宣城興，復枉臨海作。

臨海疊靈巘，洞壑丹霞林。名勝紀圖牒，仙壑秘幽深。
俗營迂微尚，曠懷俟同心。倘追凌風步，感嘗升雲岑。

集吳子寺館

首夏憩祇園，遊息解冠簪。窓楹抗疏敞，殿宇闕深沉。
綠竹帶陰渠，丹葩綴陽林。既枉高人躅，亦協靜者心。
琴書散煩慮，鐘磬發幽音。清言忘朝晏，玄思超古今。

夏夜薛子宅

飄風激踈牖，飛雨散高庭。白雲陰華月，青天垂列星。
褰裳望西苑，園樹發青笑。陰館辟炎埃，峻檻臨巖蓐。

大復集卷十一

十一 蘇詩三百〇一

泠泠朱夏并，肅肅玄夜局。披霧聆霏談，逍遙暢神形。
遊心娛竹素，此樂誠可經。

贈君采

蕭散綜琴書，疲疾謝回亂。清雲汎闌暑，一作蘭白水激

文瀾。於心懷我友，翩翩振詞翰。比室諧言晤，撫景悅

流龍。孔公讚龍蠖，莊生明吹萬。理感由神誥，情賞非

虛嘆。鄙哉辨雌霓，安知覩河漢。願投忘形契，去適無

窮岸。

高橋 以下秦集

飛梁何裊裊，裊裊飛澗中。窈窕入青靄，蜿蜒垂白虹。

俯壑聆迅湍，攀崖迤迴風。闌干既重複，結構亦玲瓏。
穿石鑿坤艮，架閣憑虛空。羽填烏鵲岸，力圻鼉鼉宮。
設險固天造，扶神豈人工。聖代文軌一，絕域賓王同。
梯航無外至，筐篚倏然通。懷哉絕棧智，逝矣當關雄。
欽誠慕在德，其亡守無窮。

姜子嶺至三岔

出嶺上雲霓，入谿下烟嵐。高高不可極，杳杳詎能探。
朱崖秀夏木，石壁映寒潭。千林覽葱蘢，百丈窺澄涵。
崩奔谷響赴，隱躍川光含。登陟力不辭，險阻情已諳。
潛淵羨垂綸，越嶽思停驂。振策岷峨西，揚帆江漢南。
臨深匪忘懼，履坦但懷慙。

大復集卷十

十一 蘇詩三百首

青石崖棧

側行青石棧，誰能久延佇。斷板連曳雲，噴泉灑飛雨。
迅流西回激，峻坂東折屢。隕岸互傾欹，危梁裊撐拄。
飲猿馱游鱗，立馬接翔羽。慎爾千金軀，永念垂堂語。

寄粹夫四首

伊昔京室娛，安知岐路戚。君就河內棲，予從關西役。
同源異流止，撫事乖心跡。終爾返輪鞅，音塵慰岑寂。

二

肥遯世久欽，苦節晚逾峻。懸蘿邈莫攀，翠壁逾千仞。

冥心道與超晦迹名反近將遂諧龍蠖混然保貞順

三

昔聞孫登嘯千載識其音峇峩百門上髮髯三湖陰
鴻舉已寥廓鸞響猶空林曠哉既往古契此徵于今

四

阮公雖曠達于道未真見石髓不可餐赤文詎能辨
服理昧情性眩物矜神誕儻君示中行遙垂大人撰

大復集卷十

十三 李淮二百五

何大復先生集卷之十一

七言歌行三十一首

乞巧行 以下使集

鵲橋崔魏河宛轉，織女牽牛夜相見。岳陽女兒迎七夕，乞巧樓高高百尺。華燈明月光窈窕，結綵繡花綺羅。繞富家女兒恃嬌小，年年乞巧不得巧。貧家女巧世所稀，只為他人縫嫁衣。須臾露濕金剪刀，雙星漸沒河漸高人間。天上兩迢遙，步襪仙裙空寂寥。君不見古來乞巧拙，何足語歲歲樓前競兒女。

古松行

大復集卷十一

一

岳州地多古松樹，千株萬株植官路。故老猶能記歲年，行人不解知朝暮。臨江西來烟霧起，夾谷連山一千里。黛色寒通七澤雲，秋聲夜捲三江水。郡城之北江水東，鄂王祠廟丹青空。英雄為謨本宏遠，古木至今多烈風。忠義鬼杳何在，故物依然見遺愛。繁枝百世人不剪，直氣千尋我當拜。六年前過蒲圻城，古松陰中三日行。空山倒掛雷雨黑，盛夏常貯炎風清。郵亭傳舍總蕭瑟，鬱抱煩襟亦飄逸。迴巖峭壁奔洪濤，老蔓長藤翻白日。只今復向巴丘道，野草漸多松漸少。不徑孤根半蝕苔，夕陽幾樹空垂蔦。昔時所見

合抱材斷枝落葉隨蒿菜過客山中想清籟行徒道上愁黃埃輦山輿嶺萬千重半作豪家樓上棟古人之力令人勞大厦明堂不得用年年官吏催斧斤故老雖怒那敢嗔傍枝出地子成樹野婦山樵摧作薪驛前數幹聊可數我忽見之再三撫霜皮露甲如虬蟠霧鬣烟鬟學龍舞陰森氣象凜猶昔翠色長標不可侮荒林曠野識者稀終為誰家起廊廡回首鄂廟秋山阿廟前之樹無高柯鬼神訶護亦徒爾英靈不返將如何達人且勿怨搖落志士胡為傷轍軻君看世事盡如此拔劍聽我松前歌

大復集卷十一
津市打魚歌

大船我我繫江岸鮎魴鱖收百萬小船取速不取多往來拋網如擲梭野人無船住水滸織竹為梁數如罟夜來水長沒沙背津市家家有魚賣江邊酒樓燕估客割鬻砍鱸不論百楚姬玉手揮霜刀雪花錯落金盤高鄰家思婦清晨起買得蘭江一雙鯉篋篋紅尾三尺長操刀具案不忍傷呼童放鯉激波去寄我素書向郎處

偏橋行

城頭日出一丈五偏橋長官來擊鼓山南野苗聚如

雨飢向民家。食生枯三尺。竹箭七尺弩。朝出射人夜。
射虎若中無。房亦無堵。男解蠻歌女解舞。千人萬人
為一戶。殺血祈神暗。乞蠱沙。蒸水毒草根。苦上山下
山。那敢戲蠹爾。苗民爾母侮。虞庭兩階列干羽。

省中公讌

今日何日公讌會。紫薇垣下填車蓋。揔戎太監爭邀
呼。御史中丞立相待。坐花饌。玉綺席。陳愧我何能居。
上賓勸酬盡。是文武士列坐俱。為藩臬。臣廣堂。潭潭
長百武。堂前搥鍾復。槌鼓擊石彈。絲逐橫吹。清歌緩
節隨。輕舞酒闌起。酌明燭。前橫金。鳴玉聲。珊珊交衢
夾道燈火亂。仰看月出樓臺間。諸公豪俊世希有。協
恭同寅重邊守。幸時夷方不用兵。簿書之暇得飲酒。
只今天子布洪仁。九州四海俱同春。清風想見唐
虞出。玉座欣瞻日月新。諸公於此復何慮。矢志盟心
思致身。

盤江行

四山壁立色如赭。盤江橫流絕壁下。驚濤赴壑奔萬
牛。峻坂懸空容一馬。危叢古樹何陰森。尋常行客誰
敢臨。徭婦清晨出深洞。虎辟白晝行空林。沉潭之西
多巨石。短棹輕舟安可適。日光射壁蠻烟黃。兩氣蒸

江瘴波赤，出人行泣。向我云：此地前年曾敗軍，守臣
祇知需貨利，將士欲苟圖功勳。英雄謨策自有術，竄
婦奸男何足論。營中鼓角連雲起，陣前臨山後臨水。
烹龍釀酒日酣樂，傳箭遺弓尚驚喜。戰馬俱為山下
塵，征夫盡向江中死。遂令狐豕成其雄，屠邊下谷轉
相攻。千家萬家雞犬盡，十城五城烟火空。夕陽愁向
盤江道，黃蒿離離白骨橫。魂入秋空結怨雲，血染春
原長寃草。只今夷虜來歸王，高墩短塹俱已荒。牧童
驅羊上瑩塚，田父牽牛耕戰塲。惟有人行嘆息聞
說盤江淚沾臆。

大石關行

大復集卷十一

四
易玄三卷

青山千仞城百尺，雲中差我列萬石。關門控險鐵不
如，萬人可望不可踰。蠻兵一朝殺關吏，驅馬入關履
平地。山頭矛戟多於草，弩箭射甲如射縞。當關祇用
一夫力，胡為萬卒猶難保。君不見山上城堞毀，樓傾
四壁立。青狸蒼兕朝對啼，白蒿黃雲暮愁入。

栖鳳亭

高黯園賦

將軍園中何所蓄，十尺亭子四面竹。亭中一榻千卷
書，將軍晝遊夜還宿。元勳甲第高入雲，竒珍異玩窮
海陸。將軍雅性不苟嗜，只愛亭邊萬竿綠。舊家風節

傳累世見此勝如見喬木根株盤據幾十年出地皆
成老龍骨舊幹扶疎已作林新梢復見高於屋新梢
舊幹森相向百丈空雲寒突兀先公開園一何勤引
水分畦費營築石間斷雨移紫瓊沙上耕烟長青玉
至今遺愛思萊公萬古看詩想淇澳將軍能武兼能
文展卷一目數行讀只今世守清白操春風如溫霜
如肅閑時高卧園之中此君亭亭對幽獨月軒夜坐
呈夏簟風榭涼憑除暑服空冥縹緲聞笙竽戶牖清
虛映籤軸崑池歌動黃鵠高洞庭笛橫白雲哭瑤瑟
一鼓瀟湘亭冰綃再寫篔簹谷憶昨路經嶺徼來佳

大復集卷十一

五

温五 頁十

猶全稀多樛遶山深苦竹啼鷓鴣地僻枯篁宿麋鹿
何期得到將軍園一洗胸中十年俗清晨邀我促席
看半日捲簾猶不足我聞竹生玉河湄開花結食鳳
凰啄將軍文采真鳳凰九樹安能動高目願將音響
入簫韶奏我亭中棲鳳曲

黃陵廟

黃陵峽中灘水多黃陵廟下難經過我我巨舸牽百
丈櫓折檣摧不得上江風蕭颭笳鼓哀廟門遙向楓
林開往來落帆泊江口俎牲呪神醲神酒南船下峽
疾如箭岸草汀花看不見巉巖亂石撐如麻雲間濁

漢迷三巴千里舟中坐超忽回首天西斷心骨

關索嶺

噫嘻吁噲噦何天設之危艱下有奔雷歎雪之飛壑
上有懸崖石棧百折而造天嶽峯兮巉巖回復兮盤
盤行人鴈陳而魚貫計分寸兮躋攀飛鳥兮折翼猴
猱兮無援苟失足殞岩而落菁兮曾不足以充虎蛇
之餐朝不見日夕不見月雲烟慘慘兮晝夜寒噫嘻
乎何天設之危艱我來倚絕壁而長望蓋不知蜀道
之為難

大梁行

以下集

大復集卷十一

六

魏志 三百六

朝登古城口夕藉古城草日落獨見長河流塵起遙
觀大梁道大梁自古號名區富貴繁華代不殊高樓
歌舞三千戶夾道烟花十二衢合沓輪駟交紮陌鳴
鐘暮入王侯宅紅粧不讓掌中人珠履皆為門下客
片言立賜萬黃金一笑還酬雙白璧帶甲連營殺氣
寒君王推轂將登壇彎弧自信成功易拔劍那知報
怨難已見分符連楚越更聞飛檄救邯鄲一朝運去
同衰賤意氣雄豪似驚電楊花飛入侯嬴館草色凄
迷魏王殿萬騎千乘空雲屯綺構朱甍不復存夜雨
人歸朱文里秋風客散信陵門川原百代重回首宋

寢隋宮亦何有，遊鹿時銜內苑花。行人尚折繁臺柳，
繁臺下接古城西。春深桃李自成蹊，朝來忽見東風
起，薄暮飛花滿故堤。

蔡州行

蔡州城高高且壯，四十年間兵不向。旌旗忽乘雨雪
入，一夜開門納兵仗。請降盡是洳曲軍，拒戰不覩牙
城將。韃橐將軍拜道左，緋衣小兒來天上。州人始識
裴丞相。

流螢篇

廣儲六月清無暑，流螢暗逐薰風舉。始見昏連萬戶

大復集卷十一

七

星更看夜照千門雨，千門萬戶競高低。拂檻縈廊亂
復齊，碧莎映水光初迴。綠柳樓烟影乍迷，水光烟影
飛還歇。肯使炎精易淪滅，帶火終須避太陽。含輝却
自親，流月長信宮中一葉秋。玉階金閣見螢流，貴嬪
羅扇開香篋。侍女珠簾捲畫樓，誰家怨婦縫縑素。當
窓忽見流螢度，蟋蟀床空寶瑟寒。鴛鴦機暗孤燈暮，
螢飛螢度自年年。却笑明珠按劍前，莫言腐草無生
意。莫道寒灰不再然，還將斥鴳鷓鴣語。三復莊生第
一篇

觀漲

五月十日雨如射。西山諸溪水皆下。大陸朝迷牛馬
羣。疾雷夜破蛟龍罅。洪濤冥冥夕風急。白浪閃閃山
水亞。浮波噴沫來崔巍。巨丘欲沒高岸頽。咫尺莫辨
天宇闊。倉卒但憂坤軸摧。固知一葦不可濟。雖有萬
弩何由迴。農家夜起築隄障。婦女走觀色沮喪。惡少
迎人爭渡喧。父老携幼登城望。門前祗訝海勢翻。井
中暗覺潮聲上。憶昨曾為萬里行。洞庭灩澦何渺冥。
鯨吞鰲橫那可測。盤渦駭浪誰能平。只今夢寐時作
惡。聞此終夜令心驚。旋看雨霽勢亦止。沙嘴忽落千
尺水。雜花濛濛夏孺靜。細草青青夕洲靡。行人褰裳
掇菱苳。稚子垂竿取魴鯉。眼前喜愕俱已忘。就中消
息誰為此。

寄贈張方伯

君侯風神有奇格。秀髯方瞳兼廣額。少年甲第已崢
嶸。壯歲功名更輝赫。長淮之西古蔡州。我侯清風千
載流。行人尚聞歌叔度。童子猶思迎細侯。出叅方岳
聲雷動。復道中州又棲鳳。大省才賢豈易推。巨卿名
位由來重。黃河清洛靜風埃。少室喬嵩雲霧開。行見
虞廷咨岳典。共看商室濟川材。憶昔別公汝水上。太
行雨來隔千嶂。抱病還依故里居。有懷空向夷門望。

夷門道接大梁東。車輪日日度春風。道傍為問南來使，早晚朝端召寇公。

木槿花歌

朝見花開暮見落，人生反覆亦相若。夜來白露洒園蒼，已是繁華不如昨。朝花枝上鬪綽約，暮花辭枝竟何託。持花為謝青樓女，鏡裏容華不待汝。

聽琴篇

美人橫琴坐我堂，酒闌為鼓三四行。燈孤月明客不發，絃悲調急秋夜長。吾家瑤琴久不拭，金徽玉軫無顏色。感君對此如有情，一彈使我三嘆息。樵歌響答

大復集卷十一

九 王武三百三十八

山澗幽，楚歌慷慨雲夜愁。瀟湘猗蘭稍平逸，四座但覺清商流。始聞白雪停翠竹，烈飈吹我溪上屋。忽然翻作廣寒遊，知是霓裳羽衣曲。含宮移羽何春容，冷冷萬壑吟風松。烟岑一夕怨鳴鶴，江天何處驚鰭龍。我初好音惟好此，橫笛短簫徒聒耳。平生頗抱鍾期懷，四海難逢伯牙子。今夕何夕願不違，為君擊節淚沾衣。高歌雅和人世稀，河轉參橫君莫歸。

懷三吉士

黃河西來走蛟鯁，睢漳之水相蕩泊。少室王屋俱崢嶸，太行林慮朝中嶽。含靈萃異幾百年，中產三士誠

磊落神標秀骨自殊衆。水之文蛟山之鶴。十年戢鱗
在烟海。一日比翼棲雲閣。蔡君通朗及衆藝。馬氏多
才步前作。昂藏崔子抱羣經。徑操巨舸從伊洛。文昌
鬱鬱高中天。出入彼此同輝燿。王京神仙皆有侶。茅
齋野人少相託。平生契誼懷數公。眼底安得常相樂。
眼底安得常相樂。聯牀並轡今如昨。

觀打魚用東坡韻

大魚跳波如擲塊。溪日溶溶照金背。小魚呶沫沿岸
行。潛向沙邊翻荇蓐。家僮舉網欣得鮮。持向庖丁割
為鱠。磁甕始見紅尾。搔霜乃旋看錦鱗。碎我雖愛此
不忍食。悔不先教放溪瀨。自愛含生天地間。寧知失
意波濤外。嗟哉小物尚有然。人間得喪誰能會。君不
見鯤與鯨。釣者持綸空爾思。倏忽乘雲下滄海。

孤鴈篇

孤鴈壯來來幾時。窮冬無侶鳴聲悲。雲長路渺去安
極。日暮天寒飛更遲。洞庭瀟湘落秋水。苦竹黃蘆一
千里。清怨時從鳴笛生。斷行暮逐哀箏起。塵沙關塞
愁轉蓬。隨風且落江湖中。微軀幸免庖人俎。短翮長
辭獵士弓。君不見隴山鸚鵡解人語。一生自恨黃金

北風行

古申城邊秋風落，北風慘慘夜復作。玄冬烟霧卷寒沙，白晝雷霆出陰壑。寒沙陰壑晝難開，萬里悲風何壯哉。高空落木下不止，長路斷蓬吹更迴。巖威著地，坤維裂。鷹隼入谷，龍蛇結。寒雲凍月光杳冥，荒臺古林氣慄冽。郭西村舍雖近城，蕭條盡日無人行。門前但聞衰柳折，牆外祇聽枯桑鳴。鄰翁歲暮缺衣褐，茅屋欹斜用繩縛。塵生釜甑暗不掃，寒入肌膚利如割。堂上書生感歲侵，臨風三嘆不成吟。暮花飄揚不可見，病葉憔悴傷人心。出門黯淡天無色，衝廳四來山為黑。黃河欲度波浪陰，滄海無梁星斗仄。嚴霜大雪來幾時，葳蕤朱鳳號南極。

雨夕行

城頭雨脚黑，不斷墜下凍潦流。已滿出門咫尺，無所適。積霧連雲接平坂，城中佳人沈與趙。我忽思之費招挽，趙子閉門卧不出。沈生衝泥來獨晚，臨墜下馬入我堂。琅琅高詠不可忘，瑤徽浮塵為我拭。磁甕濁酒為我嘗，西鄰彭生亦豪士。四壁風雨卧一床，隔牆深夜呼即至。三人圍坐傾壺觴，須臾簷雨亂沾席。牕風蕭蕭動烟栢，照夜青釭寒向人。促曙紅鑪暖留客。

請君再歌我擊節晨雞已下西城陌嗚呼人生歡樂
難再來古人滿眼俱塵埃何況與子異鄉域此地相
逢能幾迴

白雲篇

玄飈作雪龍沙窟萬里吹花度南麓千門九衢堆已
滿翠崖丹壑沾應足曙輝寒素積崔巍中天照耀瓊
瑤臺羲和不知六龍在仙人遙乘萬鶴來依樓傍檻
墜深院輕羅白紵誰曾見已將弱舞聞迴風未遣明
安讓流霰城中車馬不動塵党家金帳暖圍春豈知
窮巷衡門裏亦一作無有當時高卧人

雨雪呈望之

大復集卷十一

十二 續三百三十二

北風蕭蕭天雨雪洪川大陸冰嶸岫城闔咫尺不可
越念子鬱鬱傷我神十年骨肉更知己四海兄弟今
何人夫子風流本絕世致身况在萬里津頃聆清辭
叩哀玉復睹高價收名珍愚弟病歸卧立壑山中日
與蓬蒿親喜者結駟來天上又許題詩到水濱嗟哉
十日不一見眼底盛會真難頻茅簷白日苦太短祗
有長夜堪留賓瓦鑪木檠亦不惡梅花栢葉俱鮮新
只須對此共歌笑莫使離別成逡巡

寶劍篇

戴仲鶡將赴春官來別何子何子作寶劍為贈之
其辭曰

我有雙龍之寶劍重之不減雙吳鉤
稚遊九天橫素秋鳴匣中聲啁啾
扶風豪士邯鄲俠千金在傍不敢酬
雪花星文照玉玦贈汝慰我心所求
汝今年纔二十四北上長安見夫子手翳鳳凰跨騏驎肝膽

義氣無與比杏花江頭春風起綠袍青綬帶秋水想
見提携白日前更看結佩青雲裏我初鑄此良已勞
昆吾鐵冶風雷號寶鞘玉珥黃金錯何以繫之赤錦
絛砍地翻虞滄溟倒倚天未覺虹蜺高十年在匣尚
未試嘗恐棄置成鉛刀君不見豐城紫氛埋古獄星
辰夜搖颺颺哭竒器逢人自有時肯使塵沙竟湮沒
又不見藍田寶山空突兀頑石却指神鋒禿平生雖
有百煉鋼一用不謹為棄物吁嗟戴生爾無忽

寄王職方

故人王郎天上客一歲寄書九兩束山中病夫儔侶
稀念子不見心轉鬱長淮浪高河無梁我無羽翼到
爾傍京師南來四千里春鴻秋鴈每相望一作莫相

寄李空同

黃河臘月冰十丈縱有鯉魚那得上楚天鴻鴈避雷

雪未得逢春難北向康王城邊沙草曛梁王臺上多
暮雲野人歲晚誰相對桐栢山中空憶君

歲晏行

舊歲已晏新歲逼山城雪飛北風烈徃夫河邊行且
哭沙寒水冰凍傷骨長官叫號吏馳突府帖連催築
河卒一年徵求不少蠲貧家賣男富賣田白金縱有
非地產一兩已值千銅錢往時人家有儲粟今歲人
家飯不足饑鶴翻飛不畏人老雅鳴噪日近屋生男
長成娶比鄰生女落地思嫁人官家私家各有務百
歲豈止療一身近聞狐兔亦徵及列網持罾徧山城
野人知田不知獵蓬矢桑弓射不得嗟吁今昔豈異
情昔時新年歌滿城明朝亦是新年到此舍東鄰聞
哭聲

嫦娥圖

月宮戔戔冷光射桂樹長生花不謝王宇瓊樓閉早
秋金蟾銀兔啼寒夜夜寒露下步瑤臺羅襪仙裙冉
冉來屏障乍開雲母隔簾櫳遙望水精閣明星迢渺
斜銀漢誰擬手神傳素練霓裳羽衣世莫聞霧鬢雪
貌人難見靈藥空疑后羿妻吹簫跨鶴幾人迷君欲
遨遊廣寒殿直攀萬丈青雲梯

胡生行

近時逢人論術數，胡生相法稱獨步。閉戶時看人相篇，然燈夜讀石室賦。吾觀此術非荒唐，異人歷代各有長。我朝名家亦不少，神妙無過袁柳莊。君學本從袁氏出，識鑒至今如畫一。為客十年九幾更，閱人四海無一失。初從燕市度生涯，一日聲譽傳京華。衣冠每動公卿座，車馬爭迎貴戚家。自從仗劍離京域，當時朝士無相識。已往豪華不可論，只今形貌猶能憶。漂泊江湖不自伸，袖中書在半埃塵。窮途反遭俗眼士，末路難逢好事人。昔聞燕邸招藝匠，袁生抱術金門上。文皇自有天子鬚，羣臣盡是封侯相。君臣千載當一時，雅鑒風神猶在茲。才殊未可尋常得，數偶還教際會奇。古來相心不相體，眼前貧賤那能擬。志士翻居草澤中，貴人多在塵埃裏。胡生謂我顏色奇，顧我已足雲壑姿。希夷不識錢，若水麻衣道士應。當

知

袁惟武山水圖

源潭窈窕開層島，疊嶺撐空互傾倒。人家萬樹隔村原，細雨冥冥春更好。清江柴扉映春草，樵歌漁唱歸林早。帆色遙隨返照迴，岸沙却被飛楊掃。袁侯此圖

愛藏護畫手莫識馬與顧掛壁盤紆兀巖壑開牕拂
拭生雲霧嗚呼此圖侯當珍重留壁間萬金莫買真
江山

何大復先生集卷之十一

大復集卷十一

十六李淮 六十

何大復先生集卷之十二

十言歌行三十八首

歸來篇

君不見陶公飲酒負奇氣平生下筆五千字不肯上
書干明主安能束帶見小吏歸來不願千頃田但須
囊中有酒錢男兒委身事權貴摧眉折腰誠可憐朱
君雄豪氣如虎風期直與陶公伍青袍銀帶不復視
壯年棄官如棄土稚性好酒兼好文眼中富貴豈足
論五花換酒召賓客千金買書遺子孫人生百歲終
蕭索如子從容胡不樂未似原生少宿儲却比蘇家
多負郭長安陌上又離羣予亦還山卧白雲南巖桂
樹花自發歲晚相一看望君

雪中宴袁揮使惟武宅

四郊飛雪暗高城北風怒號天香冥將軍宅中晝擊
鼓哀箏鳴笛羅後庭我時凍吟在西野忽見將軍送
書者開書讀罷喜即行邀我入門方下馬凝輝絢素
開簾攏流風迴霰滿堂中青氈帳高雪不濕蘭燈夜
照艷氈紅卿家父子皆好客能留對雪歡今夕已看
稱壽奉千金况復徵歌出雙壁梁園賓客多交遊謝
家兄弟盡風流古人盛事長已矣吾輩優游亦爾傳

鴻門行

沛公昔日分義軍，旌旗十萬西入秦。山東諸侯皆後至，咸陽萬姓思為臣。項王東來怒如虎，置酒朝會鴻門下。門前壯士擁盾入，座上小臣拔劍舞。爭雄較勝未可量，相看杯酒成倉皇。揮刀醉擊玉斗碎，攬帶空懸寶玦光。沙丘城邊祖龍死，芒碭山傍匿天子。澤中夜聞白蛇斷，灞上朝看赤雲起。君不見劉郎供帳出秦宮，宮中火照三月紅。英雄為護自有術，亞父徒知殺沛公。

垓下行

大復集卷十二

二 裴龍三百三十三

咸陽原上失秦鹿，成夫入關競馳逐。君王自負十尺軀，傍人更訝重瞳目。橫行按劍一何威，叱咤四海隨指揮。諸侯西向受金印，壯士東歸盡錦衣。陰陵道中夜失援，垓下孤軍獨迎戰。百萬王師來震天，八千子弟隨飛電。自言百戰當一身，寧知一敗損威神。美人帳下看無主，駿馬江邊棄與人。楚歌聲高暮雲佇，孤燈對酒慘不語。蓋世英雄力拔山，一夕悲哀淚如雨。君不見三軍縞素行負戈，烏江不渡愁風波。古來失道衆所棄，父老雖憐將柰何。

長歌行贈王元

兄為吾祖之長孫，能將孝義持家門，耕鑿不隨時俗，改衣冠，頗有古風存。我家東岡舊鄉土，穀有田場桑有圃，諸弟誼誼逐城市，兄也蕭條守環堵，僕僮馴雅妻更良，男女膝下皆成行，女長適人止近里，男大為農不出鄉，只今汝年六十七，我翁為叔汝為姪，歲時相看如父子，登堂過庭禮不失，弟昔省兄盡兄懼，夜秉燈燭羅杯盤，兄前勸飲嫂勸餐，留我一月相盤桓，自從離兄仕都下，都城誰是悠悠者，萬戶清晨霜滿裘，九衢白晝塵隨馬，朱門金鎖午未開，我曹不敢騎馬回，此時吾兄正穩卧，高戶外無人催愛兄好靜。

大復集卷十一

三林齋 三百三十一

謝塵網一卷，道書常在掌，托身未肯附，年少舉手何曾揖，官長項來生，事日看微種，麻自織，身上衣少兒從學，長幹蠱我兄，心中無是非，君不見人間歲月坐相迫，胡為東城復南陌，兄今已作白頭翁，弟亦長辭青瑣客，山中桂樹况逢春，谷口桃花更照人，花前樹下一壺酒，弟勸兄酬不畏貧。

短歌行贈賈西谷

城西草堂日無事，廣文先生騎馬至，先生雅性嗜林壑，為愛吾廬有幽意，長溪風起寒日冥，晚雲含白冬樹青，山城沽酒不易得，為爾且繫雙銀瓶，先生好吟

近頗酷手書佳句已盈軸燈前朗詠三十篇一一微
音中金玉顧子踈陋非良儔感君過野常優游城中
豈無萬戶侯金盤玉饌不少留從來富貴安足慕水
上浮漚草頭露君不見賈生自負洛陽才南遷且作
長沙傅

漢將篇

漢家西北烟塵起烽火夜照西京裏胡虜奔

一作騰崩

一萬騎關塞逶迤五千里飛符挿羽募精強連營列
陣掃邊疆已見將軍屯細柳更聞天子獵長楊長楊
羽獵兵威振疊鼓鳴鉦聞遠近龍虎遙分天上軍魚

大復集卷一二

四 裴時三百四三

蛇徧閱雲中陣長安驄馬俠少年金鞍玉轡鐵連錢
共看拔劍追驕子自許彎弓射左賢驚風晝起邊沙
漲踈勒黃雲迷所向飲馬寒臨月窟傍軀兵夜度天
山上降旗款節樹戍城卷旆迴旌入帝京征人半死
龍庭戰壯士俱標麟閣名麟閣功名不易得貴臣良
相徒顏色威胡盡道李飛將還漢誰言蘇屬國王門
闕外朔雲愁燕頷書生亦白頭君王自憶廉頗輩義
士羞稱萬戶侯

孤鶴篇

我家孤鶴李侯贈霜儀皎潔三尺高向人侶矜短羽

翼失侶豈免長呼號赤霄青雲暮延佇天長路遠飛
不去日來秋塘啄苔蓼時向空墻倚脩樹憶昔初在
山人家雌雄和鳴閑且嘉夜寒對舞庭中月日暮雙
棲嶺上霞李侯平生重幽德致此遠自東吳國金櫳
玉揣脫相送異種奇毛惜不得一自天涯失舊行垂
頭戢羽空徬徨朝聞橫笛音相和夕對鳴絃影自傷
荒堦雨濕多泥滓毛翻摧頽風不起奮迅那推一鸚
先昂藏且在群鷄裏吁嗟人世是還非華表千年更
一歸蓬萊宮內青瑤樹會接文鸚比翼飛

冬兩嘆三首

大復集卷十二

五 李坤三百零

一
季冬十日雨不絕寒烟凍霧何淒淒城頭無由見白
汨坂下祇是愁黃泥鄉中餓叟納官賦白頭赤腳行
中踞薄暮臨河望郡城水深岸滑何由渡

二

一冬枯槁雪不集細雨冥冥高岸濕天邊鴻鴈安所
歸歲晚蛟龍不得蟄昨聞汝北多死亡橫尸委骨官
道傍我里四鄰久已出到今不知死何鄉

三

西望千峯萬峯連出門朝暮生雲烟日傍雨脚下平
地風外濤頭衝遠天急飈北迴振林薄白晝狐狸行

逐郭城下飢烏啄死人蒼鷹側來怒相攫

懷舊吟贈阮世隆

君家高樓對芳樹開宴曾留三日住銅槃絳燭爇照
春金壺銀漏寒催曙知君重義多豪游滿門賓客為
我留珊瑚不避鐵如意驂騑皆纏金絡頭爾時北上
與君別蔡州城外花如雪夢裏猶尋汝上雲醉中却
憶淮西月丈夫富貴各有因如君立身亦不羣行年
四十未白髮生兒十八期青雲君從秋日遙分手我
向東風一回首山下長寒舊薜蘿樓前應長春楊柳

官倉行

大復集卷十二

六李紳二百十二

張棘周袁三丈垣高門鐵鎖緘兩關黃鬚碧衫下殿
吏白板朱書十行字帳前喧呼朝不休剪旌分隊聽
唱籌富家得粟堆如丘大車檻檻服兩牛鄉間餓夫
立墻下稍欲近前遭吏罵

除夕醉歌二首

今歲相逢惟此夕美人金罇莫虛擲千金一刻真可
惜夜久衾帷望河漢寒星欲沒明燈爛長歌坐待東
方旦

二

孤城歲徂嘆幽獨舉觴醉飲城西曲野風蕭條山雪

暮寒梅無花柳難綠今年今日不可留明日明年更可愁山中縱有如澗酒春花爛熳與誰遊

醉歌行贈柴逸士

今年中秋與君共舉觴待月城西宅良夜清尊逢故人空堂明燭留遠客山城暮雲黯未收流烟何時散高樓清風徐來勸我飲明月不至令人愁君是長安舊相識坐論舊事還相憶金市豪華如夢寐王京仙侶無消息人生去住安有同有如長風吹斷蓬得隨江湖扁舟外不恨關山橫笛中酒中雲散天如洗月明忽墮金罇裏起看皓彩發青巒坐見流光盈綠水澗舞高歌夜未央攬衣擊節為君起

大復集卷十二

七胡存三百四十三

和獻吉送公順

君不見池中魚君不見澤中蛇一朝羽翼起烟霧向時頭角盤泥沙神物舒卷各有時男子豈得常在家君今年纔四十餘雙旗駟馬高蓋車手中持文符腰下佩轆轤登山采球琳涉水采珊瑚吁嗟至寶今豈無莫使和氏空號呼

古峯画梅歌

空江月墮孤山曉直幹橫枝踈更好夜來夢破碧窓虛殘雪半庭寒不掃小橋水淺影初斜野徑風清香

未老霜。翳月。鳧獨俦。俦玉骨。冰肌自枯槁。溪頭數點
瘦花明。塢雲漠漠。林烟渺渺。翁湖山詩思。閑寂寂。柴
門春醉倒。山亭晝午。鶴飛還一聲。長笛江門悄。

登山吟

風吹葛蔓石磊磊。蘿薜搔烟映山鬼。我行登山采石
耳。長歌捎林暮風起。君不見寺傍桃李飛如霰。青春
已破白日晏。萬事盡付東流波。高飛且嘆南來鴈。

落花嘆

君不見樹上花。東風吹始開。東風吹開更吹落。世間
有樂寧無哀。汝南何生未三十。頭髮未白心已灰。見
此落花三嘆息。東風吹去何時來。

復見阮生行

阮生別我尚總角。三月不見冠。我未。知華實。竟何
似。眼。看玉樹成枝柯。君不見世間日月翻如波。昨日
黑髮今則皤。龍駒千里汗成血。道傍老馬空蹉跎。人
生少時不努力。齒大身長嗟奈何。

古井篇

君不見城邊古井荆棘荒。沙崩雨塌官道傍。當時碧
甃映朱閣。黃金闌干銀作床。美人銅瓶響哀玉。寧知
委棄同悲涼。梧桐花乾薜花澁。鶯鷺側窺蚯蚓入百

丈寒泉尚堪飲心長綬短空愁立

古松歌

賢隱寺傍之古松奇絕可比徂徠峯問之故老迷歲月但見皮肉屈疆苔蘚裂高枝上掣玄冥風迴柯反掃陰崖雪藤翻蔓卷空林黑集霰流烟豈終極斧斤相顧畏盤錯梁棟誰來誇正直昔予山遊駐車馬行吟屢憇茲松下松根老僧為開徑野色巖姿坐生瞑葉暗秋燈梵殿深花香晚飯齋厨靜一年幽憂不到此寧知摧折空山裏龍盤虎拏終有神白骨蒼鱗半枯死滄波古岸霜氣夕砑砑猶看數千尺石上連朝

大復集卷十二

九
補注卷百五十一

走雲雨山中十月飛霹靂千靈百怪相護訶過客居人盡憐惜君不見泰山五大夫零落今者在何處滄海空流使者槎悲風暮起將軍樹嗚呼人生富貴竟何益松乎松乎吾當為爾誅茆傍青壁

隴右行送徐少參

隴右地長安西行一千里秦日長城號塞垣漢時故郡稱天水聖朝掃盪無烽烟射獵之地為桑田熟羞賣馬常入塞將軍遊騎不出邊知君風采古遺愛揚策傳符渡關內父老三秦望節來戎諸夷遮馬拜開藩分道鎮邊塵居守巡行歷幾春熊軾朱幡今

岳伯豸冠白筆舊臺臣。瓦亭之西半山谷。土室陰陰連板屋。落月孤城清渭源。寒雲古磧黃河曲。十年此地曾遊歌。別來風物今如何。竹花秋臨烏鼠穴。楊葉夕渡魚龍波。回看萬里風雲色。少小趨庭淚沾臆。相送悲吟不盡情。關山隴坂高無極。

遊西峯示四子

今我不樂遊西峯。喜有四子來相從。日長古寺風景靜。蜀葵始青榴始紅。彭生舊時同遊者。每遇遊山先跨馬。徐生愛山欲留宿。朝見青山獨開目。自云邑城盡原野。頗恨無家傍林谷。陳阮二生皆少年。陳生家亦近此山。阮生志不在山水。駢馬欲行仍復還。吁嗟汝輩各努力。此身會見生羽翼。乘風高舉或遠遊。安得義為山人留。他時倘願騎黃鵠。隨我江邊伴白鷗。

甄邦治行樂圖

黃金雖有餘。不如常乘下澤車。紫綬結腰下。不如常騎款段馬。人生富貴皆有憂。豈必只願封公侯。君今出有駿馬更輕裘。及此壯年當出遊。西飛日月如東流。君不見馬少游。

長安大道行

長安大道如弦直。車馬相逢不相識。金鞭玉轂共爭

先日日紅塵大道遠七貴門前羅將相五侯座上列
神仙五侯七貴同杯酒萬騎千夫盡奔走一言得意
賤可貴百計奉身無亦有盃酒經過日共遊比權並
勢暗相謀才見黃金結兄弟忽看白刃起仇讐薰天
灼地期長久覆雨翻雲亦隨手富貴誰言福作門驕
奢終與禍為鄰瑤臺歌舞新更主金谷池亭別與人
豪賔貴客如風霰鞍馬當時倏雷電得飽空聞鞦韆上
鷹附炎不見梁間燕尋常只道太山安頃刻寧知滄
海變秋來春去互推遷物理相尋是等閑豈知盛滿
衰仍至豈識憂從樂極還獨怪梁生何感慨拂袖長

歌辭漢關

大復集卷十二

十一

入京篇

以下京集

軒車若水流宮闕似雲浮畿甸一千里山河十二州
城中甲第共崔巍別起雲霓接露臺旭日纔臨萬戶
動飛塵遙見九關開九關雞鳴競車馬百僚已集金
門下入衛皆為龍虎軍來朝盡是貂蟬者天子乘
春覽物華霓旌羽扇五雲車六龍不駐千宮仗匹騎
常過七貴家七貴家連鳳城裏轉日薰天勢無比池
榭春來錦繡圍樓臺日暮歌鍾起復有蒙恩過董仇
執柄持權得自由不使府中除將相直教門下謁王

侯王侯貴人慕臺富意氣相看益驕妬未惜朱閑騷
裏駒豈論金谷珊瑚樹托身日月有光輝舉翼風雲
多會遇可憐漢室盛衣冠楊雄蓬巷獨飢寒終歲校
書空閉閣十年執戟不遷官公孫射策取卿相李廣
馮唐徒自嘆

送熊廷振之楚藩

燕京春色花大半豫州楊柳風吹斷南鴈新衝汝雪
來北車火待河水洋與君結綬俱明時送君執手
如前期丈夫勲業豈必少四十遭逢猶不遲即今君
身更磊落義氣如山誰可奪同榜衣冠照鄉里十年
名位登方岳帝城朝開羅旆旌欲發未發明星明
麒麟獻納遙相憶江漢風流湏此行

送顧錦衣赴廣東僉憲

君不見錦衣白馬若雷電當朝氣勢人爭羨顧君出
入身不移心看富貴同貧賤二三貴人隨至尊冠冕
劔佩如雲屯青袍自向將軍幕款段不叩諸侯門外
臺新捧廣州檄青冥斧鉞生霜日海嶠諸城發鼓迎
江天萬里褰帷出丈夫不言自立身清水白石何齷
齷金張門客不足數嶢嶢赫赫何為人

送樊生

翩翩南園鳥昔是北溟鯤纔見搏風一日起忽看垂翅九天雲樊生此行覽吳越大江石城通日月峒峒南京十二樓波浪蹴踏金銀闕爾上金陵望帝關星河北極開幽燕丈夫常懷四海志才人亦賦兩都篇排空萬里有毛質再接扶搖上九天

彭生行

岷峨山根江水圻萬里波濤混吳越傾湖倒海不可量仰看一線青天上鬱藍秀色盤三巴間產錦石無舟沙王嚴揚馬各挺出異才豈必生中華彭生昂昂千里駒少年騎馬來成都飛黃駉裹未即試已覺奇氣排長途君不見岷山不崩江不枯古之高才何代無

黃河篇

黃河崑崙源九曲與天通銀漢負箕尾左盤日月宮奔流下龍門噴薄沙海風三巴萬里倚窮髮鯨極缸梁間恍惚排空雪灑垂銀城使可因之向溟渤郭生少年觀上都還家且泛黃河艦讀書豈必破萬卷覽勝何須行九區蓬池已在梁園裏嘯歌綠水洪波起揚帆他日乘高秋見爾星槎指青嶽

三清山人歌

山人佩劍冠遠遊腰間鞶囊垂虎頭七星照耀金銀
鈎東行策杖指盧霍逝將滄海尋丹丘三清西南龍
虎連攢峯疊翠盤石蓮千崖萬壑不可以徑度玉梁
倒掛銀河前青峴下望憑雲烟石壁中開日月懸傍
通七十二福地白玉樓臺羅洞天此中棲身煉大藥
寶笈靈書啓五岳騎鹿時見南斗君聞笙夜候嶽山
鶴我今遊目送冥鴻欲訪名山入越中飛梁萬丈倚
可接共爾青天躡彩虹

昔遊篇

三星爛夜河漢流觴行瑟作中堂幽李君勿嘆息薛

大復集卷十二

十四

夏十

君且停謳英英孟夫子聽我當筵歌昔遊昔遊少年
觀上都並轡驕嘶雙紫騮雲中十二樓羅綺照燕州
夾槐複道臨仙苑垂柳通關對御溝平明向帝宅半
醉過王侯遊梁詞賦那稱數入洛聲名未足儔自言
與我共聯翮塌翼寧知落九天折花別青門揮袂渡
湘川班竹古魂垂淚雨蒼梧遙夢結愁烟南嶺越江
坳東城移海郊不記流年幾拋擲五見楊柳垂青梢
鴻鴈散他縣鷓鴣棲故巢君從岐路悲轉蓬我在長
安嗟繫匏金門上書久不報雲閣題詩空自嘲以茲
守蹉跎舊客罕經過日與李薛董詩酒縱歡歌春風

宛轉青絲鞵。夜月留連金巨羅。筆翻翠虹霓。手掣生
蛟鬣。三千豔女羅紘宮。傾城一笑揚雙蛾。星分霧散
去長安。豈意天垂雲雨。懽龍劍。雄雌忽復合。朝天再
觀漢衣冠。帝京宮觀一如昔。盤龍曲鳳青雲間。九衢
車馬流如水。五侯甲第峙如山。星樞常不轉。海岳自
迴環。昔日繡衣一何貴。今看竄逐宰河關。可憐舊賓
友。逝者誰復還。二三壯士力搏虎。轉盼埋骨黃泉灣。
榮華閃爍若電露。倏仰今古凋朱顏。君不見漢李廣。
威名萬里匈奴聞。彎弓貫白石。射虎生黃雲。一朝謝
病逢醉尉。灞亭不識故將軍。君不見秦范雎。折脅捐
齒隨王稽。一言奪相印。七國趨關西。雄豪一公
子。徒使虞卿從魏齊。貴賤傾覆如旋風。王侯豈異鳥
與虫。魯連獨蹈滄海去。張良仍從黃石公。孟夫子。捲
角與君戲。共許非凡倫。萬金騷囊騰天雲。子今胡為
在風塵。低頭覩面男子身。笑予落魄亦如此。痛飲狂
歌非隱淪。回首向崧岳。少室高嶙峋。寂寥紫芝曲。空
負桃花春。會須約爾同歸去。為招李薛兩才人。

贈商三

去冬雪雨留薊門。開筵譖浪倒金樽。今春燈火到長
安。過門不肖迴銀鞍。燕山花隔平山柳。馬上東風幾

回首

大梁吟送李進士

大梁擅豪華，鉅野生龍蛇。頃來曹李輩，擢秀冠詩家。
神駒並逐兩，超絕凡馬。百萬空咨嗟，李邕門下多奇
士。曹是賢甥，李高弟。登龍自昔忝通家，附驥相看摠
名世。梁王臺館罷歌鐘，兔園賓客有遺踪。侯嬴舊隱
夷門里，李渤今歸少室峯。回望嵩高瞻岳首，即尋玄
圃問河宗。可憐二子詩家秀，吾生已愧廬王後。司馬
黃金賦未逢，楊雄白首書空就。李當春日別燕川，曹
也誦詩神黯然。蓬池更憶阮公嘯，腸斷洪波綠水篇。

東海太守行贈徐以敬

西曹大夫東海太守，且停爾車飲我酒。二十讀書飽
經術，腰下組綬無一尺。一朝天子賜五馬，十年官
至二千石。漢家盜賊滿山東，十城九城荆杞中。玉食
常懷股肱郡，蒼生久慕循良風。况君兄弟皆甲第，出
入光輝無與比。兄飛仙舄宰王畿，弟握侯符長千
里。四世五公自此始，不見關西楊伯起。

何大復先生集卷之十二

